



'Cadangan tak sesuai, hanya bebankan rakyat

Kuala Lumpur: Cadangan menaikkan kadar tarif air secara berperingkat tahun ini wajar dikaji semula berdasarkan keadaan ekonomi negara yang tidak stabil sehingga memberi kesan kepada rakyat.

Ketua Laboratori Kesejahteraan dan Kesihatan Sosial Belia Universiti Putra Malaysia (UPM), Prof Madya Dr Haliza Abdul Rahman, berkata langkah menaikkan tarif air disifatkan tidak sesuai dan hanya membebankan pengguna.

"Saya tidak menyokong usaha ini kerana keadaan ekonomi negara tidak mengizinkan. Kerajaan perlu menangguhkannya sehingga keadaan benar-benar mengizinkan.

"Buat masa ini, apa yang perlu dilakukan ialah mendidik orang ramai menggunakan air secara berhemah bagi mengelak pembaziran kerana jika tarif air dinaikkan tanpa kesedaran dalam penggunaan air, ia tidak membawa perubahan,"

katanya ketika dihubungi BH, semalam.

Haliza berkata, persoalan menganai tarif air yang rendah ketika ini bukan isu yang perlu diberi keutamaan dalam memastikan kemampuan industri air negara.

Katanya, tahap kesedaran masyarakat terhadap kepentingan air dan penjagaannya perlu dipertingkatkan bagi memastikan negara terus memiliki sumber bekalan air mentah mencukupi pada masa depan.

Kos sara hidup naik

Pakar ekonomi, Prof Dr Barjoyai Bardai, berkata kenaikan kadar tarif air tidak boleh dilaksanakan sehingga membebankan pengguna kerana purata isi rumah terkesan dengan kenaikan kos sara hidup ketika ini.

"Jika langkah menaikkan kadar tarif air terpaksa dilakukan, satu mekanisme harus dirangka supaya kenaikan itu tidak membebankan pengguna.

"Kerajaan negeri yang me-

nguruskan air di negeri masing-masing mungkin boleh mengambil langkah mengadakan program pemberian air percuma kepada golongan B40 bagi mengurangkan kesan ditanggung akibat kenaikan terbabit," katanya.

Kelmarin, Menteri Air, Tanah dan Sumber Asli, Dr A Xavier Jayakumar, berkata kadar tarif air mungkin dinaikkan secara berperingkat tahun ini selaras usaha kerajaan menstruktur semula industri perkhidmatan bekalan air di negara ini.

Katanya, kenaikan tarif sumber asli terbabit perlu dilaksanakan bagi menjaga kepentingan pengguna untuk mendapatkan air berkualiti dan menjamin industri itu dari sudut perkhidmatan.

Beliau berkata, kementeriannya bersama Suruhanjaya Perkhidmatan Air Negara (SPAN) berunding dengan beberapa kerajaan negeri untuk mendapatkan persetujuan semua pihak sebelum ia dilaksanakan.

Buat masa ini, apa yang perlu dilakukan ialah mendidik orang ramai menggunakan air secara berhemah bagi mengelak pembaziran kerana jika tarif air dinaikkan tanpa kesedaran dalam penggunaan air, ia tidak membawa perubahan"

Dr Haliza Abdul Rahman,
Ketua Laboratori Kesejahteraan dan Kesihatan Sosial Belia UPM

Khamis, 10.01.2019

4 Jamadilawal 1440H •

Harga: RM1.50
Tel: 1 300 22 6787
PP 414/10/2012(030686)

Air makin mahal

- Cadangan Kementerian Air, Tanah dan Sumber Asli menaikkan tarif air dilihat akan menyumbang kepada peningkatan kos sara hidup rakyat ketika ini
- Pulau Pinang sahkan tarif air naik sehingga 20 peratus, Negeri Sembilan dan Perak masih kaji kesan, kewajaran tetapi tidak tolak ambil tindakan sama. Sementara itu, Johor akan kekal tarif semasa

BH

Berita Harian

MERENTAS GENERASI

www.bharian.com.my

“Bukan tak setuju naik, tapi perlu jelaskan mengapa? Bila penjelasan dibuat secara terperinci, pengguna boleh terima kerana mereka tahu perkhidmatan lebih bagus”

S Piapakaran
Presiden Persatuan Penyelidikan Air
dan Tenaga Malaysia (AWER)



Air adalah sumber penting dalam kehidupan harian semua lapisan rakyat. Kenaikan itu walaupun berperingkat, pasti membebankan dan kita harap ia tidak diteruskan”

Amran Jusuh,
Penduduk Behrang

Ms. 12 12